

湖南直隸桂陽州志卷三十二

人物志

古稱鄉先生沒而可祭於社者代不乏人而忠孝  
兩端尤關大節其餘以建豎傳以文苑傳以仗義  
傳以勇略傳以高隱傳以寓公傳以棲蹤二氏傳  
以旁及百家傳均有不可沒者其並存之

鄉賢

東漢

胡騰 詳見政事傳中

晉

谷 儉 詳見隱逸傳中

宋

黃照鄰 詳見儒林傳中

黃 植 照鄰子詳見儒林傳中

葉 蓋 詳見儒林傳中

李 譽 詳見政事傳中

邱 崇 詳見儒林傳中

明

李思聰 詳見政事傳中

史 鑑 詳見政事傳中

羅以禮 詳見政事傳中

劉堯誨 詳見政事傳中

曾朝節 詳見政事傳中

成世用 詳見儒林傳中

彭宗賜 詳見儒林傳中

歐陽顯宇 詳見忠節傳中

名臣

漢

蔡

倫

永平末始給事宮掖和帝卽位轉中常侍

與叅帷幄倫有才學盡心敦慎數犯顏匡弼得失  
自古書契多編以竹簡其用縑帛者謂之爲紙縑  
貴而簡重並不便於人倫乃造意用樹膚麻頭及  
敝布魚網以爲紙元興元年奏上之帝善其能自  
是莫不從用焉故天下咸稱蔡侯紙元初元年封  
爲龍亭侯

胡

騰

字子升桓帝巡狩南陽以騰爲護駕從事

公卿貴戚車乘萬計徵求費役不可勝極騰上言

天子無外乘輿所幸卽爲京師臣請以荊州刺史  
比司隸校尉臣自同都官從事從之自是肅然莫  
敢妄有干欲騰以此顯名官至尙書

宋

周渭 字得臣幼孤長力學工詩時州隸長沙楚  
與南漢相持渭爲廣人俘獲妻子流離韶州遂爲  
恭城人劉鋹政煩賦重率鄉人避於零陵未至賊  
起斷道絕糧遂奔道州爲盜所襲脫身北上建隆  
初至京師爲薛居正所知上書言時務召試賜同  
進士出身解褐白馬主簿擢右贊善大夫乾德中  
通判興州遷知隸州殿直轉遷殿中丞加監察御

史居六年徙知揚州累遷職方員外益州轉運使  
所至誅奸暴折強貴服畔逆真宗聞其清節召還  
未赴卒貧不能葬上賻錢十萬詔以其子建中爲  
乘氏簿

李譽 字循道元豐進士知靈川縣地多峒苗譽  
以德化之三年民皆謝刀劍務農桑祀名宦

李元貴 宋紹定間登制舉授全州助教時廣右峒  
獠屢爲邊患朝議勦之以元貴調兵食餽餉不乏  
廣右平賜勅獎之旣卒其鄉刻木祀於祠有禱輒  
應至今廟食

張熹 以甲科任平輿令持身廉介慈惠愛民謝

絕情面人不敢干以私時邑大旱禱雨不應熹日  
居官無善狀上千天怒災累小民乃積柴自焚主  
簿崇小吏張化從之火既舉大雨如注是年大有  
民歌頌焉

明

李思聰 字仲謀洪武甲戌進士授行人二十九年  
緬國遣使來訴百蠻侵其境土太祖命思聰等責  
詔往諭之緬人奉詔思聰發恐懼謝罪願罷兵適  
部酋刀幹孟叛思聰以朝廷威德諭其部衆叛者  
咸退思聰發欲倚使者以服其下強留思聰等以  
象馬金寶瓊器爲餽思聰作詩諭却之有利

一羽汝安知義重千金吾自愛之句且謂中國不  
以金玉爲寶所寶者惟忠臣烈士孝子順孫宜送  
使者還朝不爲侵擾斯可以明爾忠臣之志思倫  
發大喜設燕爲樂卒其部衆送之出境還朝具奏  
其事併紀所見山川人物風俗道路之詳以進賜  
衣一襲晉江西右叅政食二品俸卒於官

何繼嗣 洪武間由歲貢任山西道監察御史有風  
裁時治尚嚴急繼嗣獨謹敏雖有所觸忤而能善  
其身以退

陳紹平 洪武中由舉人知睢州廉謹自飭均賦役  
賑饑民全活甚衆官叅政致仕歸笥篋蕭然惟圖

書數卷

羌護 中建文己卯鄉試任御史激濁揚清有鐵  
面風裁

史鑑 字孔昭中永樂乙酉鄉試授山西道監察  
御史正色立朝尋陞雲南僉憲

王敏 號蓉叟永樂四年以明經授羅城令隨轉  
大竹令會有轉輸西安之役敏設法應之官民兩  
利以良吏稱

羅以禮 永樂乙未進士任行人陞戶部郎中立朝  
剛直知西安府改紹興嚴明愷弟有古循良風詔  
食二品俸再知建昌致仕

胡鳳 字翔之永樂乙未進士授主事建國儲盈  
縮三邊軍餉二大議居官以清白稱尋以艱歸乃  
築室塋淵不復出

劉明東 貢生年五十依父母左右一如嬰兒弟素  
弱不治生產明東代為營殖以贍之任浙江東陽  
縣丞決疑獄修文廟委解南糧罷却補買諸費以  
子堯誨貴贈官保兵部尙書

羅旦 以禮子中景泰癸酉鄉試授重慶府通判  
居官清慎民戴之

鄭彥譽 字美中英宗時以薦授四川布政司檢校  
西番寇邊彥譽轉餉有功累陞浙江按察司僉事

分巡金衢時金華大饑郡民強發富家廩粟官不能禁彥譽赴部便宜出官粟賑之民遂安湖處二州盜起彥譽皆討平之陞廣東按察使兩粵獍狽倡叛勞師十年天順中彥譽以計擒之嶺表以平復修學闢地爲射圃集郡弟子如法校之文化大行後家居數年卒

陳經 字貫之成化進士授內江知縣擢監察御史時中費用事經數其罪上之不報中以他罪出知榮經縣歷知雅州東平尋陞陝西按察使僉事卒於官先是河決張秋屢議修築隨築隨潰當事多遭譴責經治之二年告成遂有是命

鄭世彥 以貢授楚雄通判時武定賊叛命將討之世彥多所贊畫捷聞遷本府同知建改土設流之議署尋甸擒賊首徙郡治於師山麓有虎噬人禱之明日虎斃憲副張天復爲立異政碑

鄭民舉 號秀巖與兄民望從呂涇野講心性之學涇野作志說以贈之嘉靖甲午以詩舉於鄉民舉令昆明改知柳城民望同知寧州滇大饑民舉兄弟奉檄往賑全活無算撫安土苗奏免糧運土官餽以千金峻拒之俱祀名宦

劉堯誨 字君納爲人沉毅寡言登嘉靖癸丑進士令新喻擢南刑垣適倭勢且薄畿甸堯誨抗疏論

總制胡宗憲失策謂功罪不明賞罰惟貨天下事  
大可憂疏入分宜銜之又浙直以備倭故凡均徭  
銀俱先三年辦名曰提編法民困甚堯誨抗論巧  
取民不若拙省費罷興作省冗兵內外供應尙依  
寺人多冒破宜裁覈權貴人皆側目因引疾歸粵  
寇犯臨武率子弟禦之又募艾家兵爲外援從間  
奪賊所豎旗賊驚引去起爲僉都御史撫八閩設  
方畧殲巨寇林鳳黨並擒倭朶麻哩諸衆又奏設  
南澳總兵扼斷賊巢進副都御史再撫江西疏蠲  
積逋二十九萬零擢少司馬兼御史中丞督師兩  
廣諸將士以緝賊林道乾伏法堯誨言法不及文  
察非所以示公竟按海防官不少貸於是流賊相  
繼輸款又定羅旁兩猺狼調土兵粵西八寨酌善  
後七策又條畫粵西鹽法使湖南民不苦鹽嶺東  
兵不苦餉陟南戶兵兩部尙書予告歸所著有督  
撫奏議治河三議虛籟集

彭定守 號一峯由嘉靖乙卯鄉舉任崇慶州知州  
造士惠民多善政常擒妖僧六頂李么兒寘之法  
尋陞烏撒府同知

徐孔第 以上舍生謁選叅軍閩藩督課沙垚減織  
雜課二千金有翼瑞而處者以法殲之巨賈十四  
人風急汨舟未經沙垚符驗監司執爲盜沒其貨



擬重辟孔第力脫之遷傳益藩嚴整循理王敬憚  
之歲賓興王出遊諸生有犯王路者校擊之死諸  
生大譁燬學舍將攻王宮學使者諭之不退孔第  
與溫語立解疏上諸生惴惴以金祈免正色麾之  
事亦寢

何 銳 字恒之少穎異剛直敦行以貢任鹽亭簿  
多惠政蜀人立石誦之年八十嗜學不倦膺賓席  
一十九次

鄺 簡 彥譽之孫以貢司四川江津學事署縣篆  
有冤獄議死者若干人簡白於臺司出之其家人  
暮持金來謝簡大驚斥曰吾哀爾冤豈圖利耶  
之去

歐陽正南 號午橋中隆慶庚午鄉試任銅陵令一  
年政和化治時當薦珍多方保救銳意剔奸不少  
貸訊鞫無冤裁郵傳供億一疏不妄取民以淘洗  
歲額輸金竟却之尋以內艱歸遂不出

曾朝節 字直卿號植齋父贈公銳初爲郡法曹掾  
攜朝節及仲子朝符叔子朝簡讀書廨中郡守白  
石蔡公晨起視事聞書聲朗朗異而問之左右以  
曾掾三子對因試以藝擊節賞之目銳曰若有是  
子將高大若廬猶區區逐文墨吏耶銳遂延師以  
教其子十七餼於郡庠嘉靖戊午舉於鄉萬歷丁

丑殿試一甲第三授翰林院編修遷侍讀辛卯典  
試南畿進國子監祭酒陞禮部侍郎協理詹事府  
侍經筵戊戌辛丑兩充會試副考官教習庶吉士  
凡六年陞禮部尚書上疏請上肇修人紀執兩端  
以用中於民極十餘言上嘉納之充東宮侍講每  
因事納誨旁引曲喻必歸於道東宮怡然聽受時  
上注眷方殷而朝節屢疏乞歸凡五上始允甲辰  
卒於京邸計聞上震悼贈太子太保謚文恪別遣  
官護喪歸衡朝節性廉靜不苟取與雖歷踐清華  
而貲產未嘗有餘曾捐金建城北來雁塔於京師  
設立會館爲湖南士夫邸舍又置義田以贍子姓

之不給者無子以弟朝符之子廷棟爲嗣廢授上  
林苑監丞祀鄉賢

段子美 號文峯以恩貢授曲江丞吏畏而民戴之  
直指使廉得其實計以上聞擢楚府長史不就優  
游林下三十餘年卒

陳尙伊 字汝聘隆慶進士歷官江西左叅政治績  
卓然桂陽以十八灘險免漕運徵改折銀七百餘  
兩解德安倉萬歷十八年復改漢川南糧二千餘  
石官民苦之尙伊白於當路獲免解

夏九庚 字虞颺崇禎初以恩選授滇南羅平州守  
有異政羅人立碑紀之遷南陽守致仕歸

鄺賢禎 字文寧崇禎戊辰應貢選入北雍授江西定南令居官清慎釐弊剔奸以修練儲備爲事未妖賊楊細來以邪教煽亂禎以計獲其賊首餘始解散以治行卓異晉雲南維摩知州未幾以母老乞養遂絕意仕進

鄺民望 號石巖寧州同知有政聲

胡彥聰 以人才授重慶府同知

陳立選 選貢任寺丞

李時春 字楚華號伯子至性孝友品行端方博通

經籍由選貢歷任山西忻州牧廉明有聲民歌曰

李君德就與京高並五臺山潔似雲中水共清未

幾以疾辭民挽留不果解綬回里捐館於衡之東  
同年五十五歲終

鄧思賢 永樂五年由辟舉授四川順慶府岳池縣

知縣陞授廣東 道十三年奉命至吐蕃歸授兩

粵評事二十二年公以才器舉薦特授兩粵恤刑

大學士黃淮有送行序

皇清

甯立隆 選拔廷試第一授江西南康府判陞饒州

知府歷政有聲饒人至今頌之

儒林

五代

劉昭禹

字休明署天策府學士巖州刺史有集

宋

葉蓋

字彥昇以中雅賦魁上庠登熙寧九年徐

鐸榜進士官至朝散大夫知郴州

黃照鄰

祥符間舉進士仕為職方郎中嘗讀書於

郡西芙蓉山石林亭鄉人號為職方巖照鄰少穎

敏嘗知循州政績卓著尋陞職方員外郎出知平

陽縣與利除害不私戚里祀鄉賢

黃植

字立之照鄰子元豐二年進士官朝請郎

知貴州文章政事卓有父風祀鄉賢

邱崇 字次姚登元符三年進士初授善化尉官

至朝請郎知西融州祀鄉賢

陳敬叟 字炳然博學工詩文咸淳進士授耒陽縣學錄德祐後遂隱居不仕著與溪集

元

陳楚舟 由明經授臯州徇經歷泰定初遣使於番

番主遺以金珠楚舟曰義不可辱吾主却之使還上嘉其廉賜號蓬雪

陳楚春 至正中授長沙教諭順帝在道州楚春為

詩上之有紅日馬頭天已近青雲鴈背雨初晴之

句帝曰此等老儒宜大用乃居此職及北還御極

以楚春充扈從官至京命賦神州八景稱旨擢湖

南廉訪使

陳嗣道 字可儀號純齋少廉謹苦學縣令劉耕孫

以耆儒特奏授本縣教諭令其弟燾孫受學焉

明

黃秉衷 號靜菴宣德丙午領鄉薦第一究心理學

久之有得曰道豈在勢分耶乃遊南嶽會諸同志訪先賢遺跡相與切劘尤體認中庸一書得其要

領學者多師事焉

曾瑀 字朝儀號竹菴宏治乙丑進士任四川內

江知縣試士識 潮於諸生中聲望卓然陞刑部主事

何天祿 字艮所七歲能詩十二補弟子員以貢入太學嘉靖甲午中應天鄉試除增城令居官廉直不苟日與甘泉先生遊得其所謂體認語遂解綬歸築室曰艮所書院以潛修終

王朝仰 字子嵩少學舉子業穎異過人遊東郭鄒先生之門歸輒厭棄前所學靜坐如土偶人有契悟處輒避席起舞徙倚長吟一日聞陽明心齋之學試往論之數日大悟曰幾爲名教所棄遂屏去方外書究心易旨毅然以聖人爲必可至年三十病卒卒之日猶手作正寢歌以遺同志

成世用 嘉靖間歲貢授江西安遠訓導陞湯陰教諭師範端嚴士心悅服致仕歸惟以督耕課子足跡不履公門一日集子孫於庭剖分家事悉皆訓誨之遂衣冠端坐而逝祀湯陰名宦

陳 鎡 字用之由掾史任永寧衛知事居家孝友嗜學每讀前史輒有所評擬尤好近思錄出入則攜以自隨永寧邊海多武流鎡建興文學民遂化之尋擢雲南布政司知事歷任新化州同致仕歸悉以所得俸置祭田及卒弟鈞哭以詩有存積舊書看到底蕭然還是未官貧之句

陳謨卿 號臯明幼聰敏讀書以性理大全爲本初就童子試爲督學董其昌所首拔屢試冠軍慕陽明白沙之學動必矜式以淑邑人邑之名士多出其門

劉文相 字廷弼歲貢授撫州訓導陞璧山教諭以老疾致仕歸情況易直率履嚴定言笑不苟世味一切澹然居嘗誨人以人值振觸須寧心攝氣據理自徵或踰宿而心氣和洽逆順自了人以爲得先正養氣之緒晚年家食乃築土室邑庠鄉賓之薦累謝不應年六十卒

夏國翰 字中立苦志下帷事孀母問寢視膳弗少懈鄉先輩咸服其文章氣節以大器期之年三十九登賢書座師詢諸生齒皆不以實對翰獨不諱座師嘆其直兩計偕殂於道識者惜之

盧應斗 號夢田萬歷中由吉安訓導陞本庠教諭存心正直立己剛方講明理學嚴課士習學者宗之後陞常德教授紳士爲之立碑

秦世官 號仲賢幼失恃苦志力學垂髫補弟子員以貢授廣西潯州訓導集多士講學不倦值潯饑殍骼載道世官亟詣郡守力請捐米賑之全活無算後爲人所中罷歸以所獲俸周濟族黨清苦自甘課子弟以正學且誠之曰生涯到底詩書好世

味從來道義長年八十一卒

王上許 字葵中少穎異博洽書史以歲薦授寶慶

學博再補永明科條一徧胡氏蘇湖之制兩邑中

士習蒸變巡方使者力薦以母老乞歸母九十餘

卒結茅廬墓卒年八十七

彭宗賜 字達居號紹臺屢試不遇遂棄舉子業潛

心理學教子有方士林稱之祀鄉賢

湯大護 萬歷戊子舉人會試中副榜時親老署慈

利學正遷衢州推官轉蓬州知州撫院賢之曰蓬

萊仙牧也

徐孔思 天爵孫詠子謹守家訓篤志力學遠大自

許以明經任陞國訓導遷宜寶教諭陞桂林教授

歸

劉時烈 學問淵博由歲薦任宜章訓導遷麻陽教

諭陞知縣

汪應璧 為諸生時但知讀書舉孝廉時惟有好善

及服官時一味愛民子楫所著詩文頗多有眉山

父子風味

汪 楫 應璧之長子生而端惠稍長就外傳一日

十行下筆尤穎異父大奇之因攻苦力學相期遠

大辛酉父舉於鄉卒不襲貴介氣益奮勉性仁孝

祖母終值父以謁選居長安楫治斂居喪成禮夢

且康莊易州志 卷三十一 人物



祖母賜一麟隨生子洋澤洋瀚是年首拔補諸生  
繼食餼嘗指酒誓曰不宴鹿鳴勿相見也庚辰仍  
攜諸季讀書衡陽壬午出應錄科彙試郡守李斗  
野手其卷擊節曰二汪爲文已氣吞雲夢持此以  
往必冠楚軍復限於額不售歸乃奔安成訪內翰  
泗山鄒先生改治春秋並迎成所劉公來州卒其  
業時劉齡甫二十楫齒倍之事之甚謹因攻麟經  
刻苦太甚一夜心血忽嘔濺入篇端其子什襲其  
書留示孫子乙酉果以春秋掄魁己丑壬辰俱不  
第因念南嶽爲名人發跡所率二子肄業焉夢一  
老僧凝然趺坐語公曰子子瞻語佛印也旋

姿容淡逸跚跚而來口稱妾卽朝雲二人相對數  
語而寤因更號爲是坡所著有是坡草

蔣興詩 字經正德性純粹甫入小學穎敏絕倫以  
孝廉授雲南永昌府理刑廉明正直後陞山東濱  
州未任晚年猶精於易年七十有四卒子六人日  
芳日葵日英膺歲薦滕芳庠生

李長年 字而眉姿性穎異一目十行下州先達徐  
公見而竒之自以弱息配未幾補弟子員旋食餼  
屢試俱列高等別棘闈者五公恬然自如其爲文  
日可數藝與子姪講學源本經術事親最孝凡母  
溺器必親滌執親喪廬墓三年齒近耄耄每道及

父母輒流涕其天性純篤如此歲值饑饉屢給穀以周貧乏遇有假貸無償者卽焚券不取於族黨尤加意焉乙亥領歲薦候選司訓所著有養性草及天餘子諸集公生三子俱名諸生孫發枝以歲薦任道州訓次孫人龍登丁酉賢書餘孫六人相繼步膠庠公八旬以壽終

羅廷輔 字佐卿寶慶府學教授

鄺祖濂 字精之登萬歷乙酉賢書

盧思道 號格齋家貧盡孝著有橫江集

鄧學古 號暮梅獲嘉縣令所著有天常閣集

蘇朝同 號樂吾以貢授瀏陽縣諭轉書藩紀善歷

官十六年常纂禮經翼註後學至今傳習

羅文圖 號瑞寰廩生撰有四六文集

鄺祖詩 號慕一居南岳代修岳志

陳文政 號寓菴思貢謨鄉子著雪龕詩集

陳逢震 東隅人登洪武戊辰科任亨泰榜進士授

知縣祀鄉賢

劉必洵 字燦然本州廩生宋知軍劉登後也性聰穎而好學倍於常人經史寓目無不貫徹友人使之暗誦不遺一字時稱爲印版秀才志在科第乃爲數竒所困抱志以歿同人無不惜之

鄧應化 康熙中明經讀書金泉菴攻苦忘休卧不

親枕簟者九十有三年一夕中夜見伽藍衛將忽躍起應化恬不爲異但搖手止之曰毋毋神亦遂止其襟度過人如此

卬靈鞠 南史領東觀祭酒日人居官願速遷使我爲祭酒終身不恨也

何繼庠 字養明天祿長孫十六補弟子員一時姻親皆稱何氏鳳毛長子潤三冠童軍次子瀾文復奇拔公曰吾家舉業衣鉢先是父子相傳今兄弟濟美矣生平不入公庭城市亦罕有見者

李昌望 字孚遠少失怙事孀親以孝聞有乳母戴氏家貧生養死塋一身獨任爲姻表汪氏子營成家室妻族何氏予之奩田不受一生閉戶讀書弱冠食餼屢困棘闈賫志而歿著有錫雲齋文集後梓

何 洞 字履齋少穎敏善書工韻語著有石林詩草雍正寅子登鄉薦甲戌明通進士由教諭擢陞廣東大浦知縣後居林下築萬松窩書室暢情詩酒以樂天真年七十四終

張紹銘 字渠園性沉摯篤學嗜古一時負笈從遊以數百計州孝廉張吳二人均及門士北上授職廣文留京病故人皆惜之

何 湛 家貧篤學英年遊泮食餼著有雜學編集

奈屢躋秋闈以明經授茶陵州訓導年八十餘終  
何 潭 字清來有文名時藝多刊試牘遠近師事  
焉先中副車繼中亞元授副縣廣文邑人崇祀黎  
山書院以奉之年七十六終

李國樸 字維斗賦性恂謹老成居閭室衣冠必肅  
侍祖父側食息起居悉稟命無違奉孀親王氏備  
極孝敬家資富不名一錢有諷之者答曰吾弟多  
才庖治家政固應爾爾我自有詩書萬卷供我披閱更何慊焉

何 洪 字抑齋天資明敏肄業嶽麓為上憲所器  
重奈數奇不售以選拔終家居授徒不樂仕進至  
老嗜學不倦年八十餘終

忠節

晉

騰 育 為衡陽內史永嘉四年益州流人汝班梁  
州流人蹇撫作亂於湘州執刺史荀眺南破零陵  
桂陽諸郡育死之

明

李興瑋 字天玉巴陵人任臨武教諭旋奉督師補  
縣令未幾大兵至執送衡陽不屈死

朱元輔 字應斗泰昌中恩貢性剛介有為癸未張  
獻忠破湖南稱西府偽官胡聖華張以成入境苦  
虐生民元輔懼賊勢漸張與其婿成魁榜及庠生

成鼎甲成居正等謀起義擒賊事泄被害臨死罵不絕口事聞立祠祀之

黃金鉉 黃鼎鉉黃大奇黃初廷時張獻忠僞令朱衣點據城負固金鉉等率義旅千人攻之屯城外賊詐乞降詰旦霧霧四塞咫尺不能辨賊銜枚出衆亂爲賊所殲擒金鉉等被執以極刑死焉

周一烈 崇正間以功授武衛將軍出鎮粵西梧州甲申之變殉難於博白縣子光節蔭襲指揮同知歐陽顯字 字高鉉以貢授巴陵教諭署縣事張獻忠攻城率民死守城破罵賊不屈死之

盧先聲 字震遠號雲峯貴州偏橋衛舉人崇正年任桂學正值劫賊之變知孤城莫守同妻李氏及未字女金姑相對縊於學署聞者無不爲之流涕士民倡義者捐棺歛葬於鹿峯山下

殷尙聲 揚州人副榜任州判寬厚愛民遭劫賊之變父子自縊

袁承華 鄉紳劉新字賊圍城死難

庠生賀鳴圭等 二十九人賊劉新字圍城遇難

何 佃 字起莘自幼以奇童名潛心尙書不假師傅而於道豁如也性孝友事親竭力敬二兄極謹待宗族鄉黨怡怡然賦性忠直不善內交矯飾之友辛酉登鄉薦有大才如丙寅秋山寇剽畧桐木

岡輒協州父母運量退敵之策寇退又倡立營之  
議州之人久賴以安堵惜早卒未竟所蘊汪楫曰  
玉軒才識規模志節襟度俱表表足多且山寇竊  
發境以內人情洶洶獨鼓掌進策退之又倡立營  
兵以保百年無事可想見其為人矣使假之以年  
其設施可量哉

鄧 旻 事見武功傳

皇清

蕭萬奇 康熙中授廣東虎門協左軍都司巡沙亭  
遇海寇戰死贈遊擊

賜祭葬

歐國璋 雍正十二年任綏寧把總駐防錫坡哨乾  
隆五年苗叛奉委請峒招撫被執不屈而死議叙  
承蔭一子恤葬祭銀一百兩於長安營建祠祀之  
民思其忠烈

戴居敬 字可南幼為諸生動以古人律已篤孝友  
恭甘貧嗜學妻彭氏以女紅佐締筆囊螢提甕洎  
如也五科不第以歲薦廣文松滋申卧碑勤考課  
子衿肘見踵决者畢分量以濟之舍園橋趨徑竇  
者善勸戒以成之不踰年而文教移人如置郵焉

遭流寇攻枝江枝松對河唇齒火光燭天百姓驚  
走適邑令攝篆江陵敬看縣事安定士民矢死守

之得無恙松人感佩勒石丁父難離任享年九十  
一吳為相識

鄧仁偉 崇禎十六年癸未冬憤張賊據楚不食而  
死妻謝氏以夫亡守節

義

明

周 誠 御史均祿之子正統六年正月載稻七千  
五百石如南都貿易經九江安慶值大饑盡以所  
載賑之有司以聞賜勅獎諭勞以羊酒且復其家  
百年令有司豎坊於門以旌之

陳明壽 字朝貴任江西石城主簿天順四年歲大  
饑以粟二千石佐賑事聞建坊旌之

陳 試 號明軒嘉靖乙卯舉於鄉捐坊金置義田  
以贍族人父產悉與二弟壬戌寇薄城下試單騎  
赴州求救賊聞憤之焚其宅

傅朝端 篤於孝友雅尚氣誼每輸金以賑鄉黨有不能舉喪者市棺給之隆慶改元歲大歉竭困以濟饑其仗義樂施大率類此

廖舒鳳 慷慨好義歲大歉出粟賑濟全活無算以子經貴封徵仕郎二孫皆及第

蔣自脩 字如如以歲薦補雲夢學博嘗市一婢詢知以歲饑爲夫所鬻輒召其夫還之於市直一無所取

譚 珣 號崖泉由歲貢任潮陽訓導陞金堂學諭值年饑悉出所有以給貧士士林感之

徐光國 字賓用授生徒不計束脩清寒者且給筆札授餐焉族黨鄰里急無不周美無不助有鬻妻子者卽揮金賑之不少吝施棺施茶歷年不倦家本充裕竟以疎財致窘

劉尙眞 號仰溪好義憐貧爲善守法美行不可殫書州守朱給冠帶薦賓筵年八十三無疾而終

譚三龍 由附貢授陝西按察司經歷有賢聲得松陽道人功法歸里後活人甚衆享長年終

馬 玉 貢選好義樂施傳家忠厚年八十景泰間鄉飲子廷茂至斯才進良萬乘五世賓筵子孫多列膠庠人以爲忠厚之報

國朝

直隸北平州志

人物

二十四



陽載旦 字首卿庠生平生好義篤親捐囊以賑族屬故年久廢疾者賴以存活癸巳歲米價騰貴旦將積穀百石分給族人不求償州侯伍旌其門口厚本堪優兩學偕同城官皆詣廬贈額表之

王開禎 字爾昌住本城少貧未學至性敦厚事後母以孝聞友愛幼弟更爲人所難及且多幹畧往來百粵三湘不數年獲擁重貲凡先人祠墓無不備物盡誠鄰里窮乏無不哀多益寡復置公產以爲後世子孫貧乏婚喪之助其讀書之脩脯膏火及獲雋者之公車資斧咸有所倚賴壽六十二歲現今孫行列膠庠貢成均者十餘人誠布衣中完人也

徐 槃 號壯行隱居不仕甘老正壑髦年好學不事家產賑恤貧乏鬻放生族其後西鄉遠欠二百金契悉焚之里社咸高其義享年八十終

盧元第 字首登號澹園北鄉人二歲而孤母氏黃撫育成立值兵燹未靖不終所學逐末黔粵十餘年母逝後因家於黔爲人義俠一邑無比生四子長世昌甲戌進士仲入黔庠季由黔庠援例候選九品以子官同父贈爲奉直大夫妻張氏同母贈爲宜人乾隆甲申歲子昌等遵遺命呈請回籍

徐世郊 字武玉本城人少貧兄弟分析不十年家

資饒裕因念胞弟朴拙將已產分給其半毫無德色凡父母存沒大事一身獨任其勞置祭田以酬祖德延師儒以課子孫諸姪婚嫁竭力成全鄉鄰忿爭曲爲排解故同時諸子姪輩入芹宮貢上國者五人年八十二無疾而終此友義之報也

李國淇 字公右號左泉性英敏弱冠卽採芹食餼遨遊宇內馳騁士林誠合郡雋才也數多不偶竟以明經終一時爲之扼腕且篤於孝友終身如一母目失明出入必躬親捧持數年後母目復明人以爲純孝之應視姪如子凡成室成名較所生尤爲周到至立身之正接物之謙古心古貌一郡無

兩雍正十一年舉鄉飲介賓子孫簪纓相繼爲蓉城望族人咸謂左泉貽謀有以啟之云

何國榮 字鼎元號調菴本城人賦性警敏好讀書不事浮華敦崇實行都人士以孝友重之其先家貧偕其弟尊鑄事親極盡子道及父歿家漸裕兒孫繞膝兄弟常痛風木不逮時相對泣事母愈謹其昏定晨省至老不倦母稍有不愉色卽作孩提狀必得母喜而後快故一時人有老萊子之目至友愛昆弟矜恤親鄰爲孝德之所推暨者難以備錄讀書喜古文大家出筆不落時徑以明經終壽七十三歲門弟子咸稱爲調菴夫子

李人龍 字虎文號靈川又號雲從東鄉人性穎異  
九歲能文弱冠補弟子員屢見知於學使者康熙  
丁酉登賢書其文多爲諸名選亟賞海內無不知  
有湖南李靈川也且至性敦厚孝友之名內外無  
間丙申秋因母病步出延醫路遇虎靈川泣告曰  
我固可飽爾腹其如母病何虎卽爲之遠未幾母  
無恙人咸以爲孝感所致至立祀田設家塾週鄰  
里篤宗族爲一時完人六赴禮闈屢薦未售同時  
有劉蕢之惜雍正辛亥奉部

引見以知縣卽銓未幾易簣遠近聞之無不哀悼然芝子  
蘭孫芬馥庠序靈川之食報正未艾也著有萬軸

堂文稿雲從詩稿凡若干卷家藏未梓

李國毓 字洪生北鄉人至性甚厚事親無不先意

承志稍有微疾卽坐臥不寧三年之喪哀毀盡禮  
事叔如父凡一切婚教及公私事咸一身任之立  
身端嚴合族敬畏與人排難解紛片言立決卹貧  
憐寡一鄉攸賴其隆師重道異於時俗故其子若  
孫擢明經遊黌序者同時有五人焉壽七十二終  
郭顯祖 字榮先本州庠生爲人謹飭立身方正愿  
慤之名人咸耳熱且負性義俠遇庠中公事咸踴  
躍爲之倡舉乾隆甲申歲纂修志乘爭先樂輸竟  
爲往鄉勸助櫻風捐館同人無不爲之挽惜

胡文鍾 嘉邑人例監候選州同平生慷慨樂善至老彌篤凡族黨鄰里受其裒予者不可勝紀嘉邑遷建 鬻序出千金爲之倡復捐製祭器至今不  
缺至境內之橋梁道路募及者無不慨爲輸助一  
隅善人胡其最焉

李先成燦然煥然 嘉邑廩生同胞兄弟也事親俱以孝聞尤克盡友愛以姪輩衆多乃出己資同己子公分毫無子姪之別歲饑備饘粥以濟窮乏有鬻子女者代爲捐贖人咸德之

劉傳誦 字而維生平慷慨好施與情尤篤於宗族凡貧乏不能婚娶者悉爲資助與鄰里排紛釋難每暗捐已財事平而其人亦多不知覺一時遠近有善人之目

鄧和元 幼而穎異寡色笑少聘何氏有痼疾元和迎歸成禮相敬甚歡有古義士風及今子孫屢貢膠庠人皆以爲元和仁厚所植云

楊世治 字爾進孝行楊鳳翼子也其至性亦與父同行三凡父母養葬事一身任之毫無累及二兄待二兄亦友愛過人自奉則甘淡泊遇貧乏親鄰則極力資助其排紛釋忿不惜錙銖不市善名更爲人所難及年八十二無疾而終古處之風及今人多引爲勸誡

李人傑人秀人特 本州城南人同胞兄弟也篤於  
至性孝慈友愛同時無比次第列名譽序士林莫  
不以德行目之現年俱登大耋此固一門友愛之  
徵實

盛明德化之翔也

李琳 字玉昆本州庠生德性溫良居家有孝友  
之目處鄰盡媯睦之道敦實行戒浮華青衿終志  
人多惜之現年九十餘歲鶴髮童顏誠士林人瑞  
也

李春璉 嘉邑人幼孤事母至孝周恤親鄰毫無德  
色捐百金倡修邑之永濟橋利濟賴焉

賀紹循 字萬善州庠廩生深情厚貌終身無忤物  
色精岐黃所活甚多人不知感賀亦不計年七十  
二卒人多爲之惜

蕭忠堯 本州北鄉人至性孝友一門敦厚五世同  
居百有餘年古處之聲孚於遠近年七十餘歲

吳國春 字光玉石門山人性淳樸好善每以喫虧  
二字自勉勉人年六十矢志修路萬丈躬荷畚鍤  
平崎嶇凡十餘年工始竣而筋力亦就衰矣乃曾  
垂布袋拾字紙日夕向春江焚之年八十二終其  
子吳鯨以徒杠輿梁題中式人以爲修路之報春  
有弟國棟家貧乏嗣亦修路十餘年八十五終

鄧元亮 下樂人少孤生平好義捐田以興家塾素善醫活者甚衆未嘗受謝人咸善焉

劉敬祖 號其中家貧居長幼廢學謀生其父傳世分祖田數畝讓伯耕獲代納租仁孝性生不假強爲後父母繼沒家業日興撫兩弟成名同居合爨沒齒無間言且哀多益寡諸昆弟均調劑而惠及鄰里亦不少遇科場有資斧不給者必餽之省垣欲購舍館爲閭州赴闈公所價不下二千金奈增貲者奪之惜此事未成年六十一終

曹祖禮 號小伯性好善辦太奏山萬景窩等處礦廠過市見乞丐病卧不起必親醫愈則心慟所活甚衆有館中火夫患痢不避穢臭偕妻蕭氏更相薰洗調醫物故棺衾歛埋子姪無室者娶之厥友故有女未歸代嫁無吝色初厥規貲本出自頭人後易而代頭公奏故至今萬景窩猶設牌位以志不忘云

劉傳註 號 忠厚正直幼失怙恃篤於友愛每多遜讓友有欠帑欲賣妻者代還以全夫婦生子一名繼祖事親孝親沒幾不欲生生平好善樂施無吝色有一女被竊痛哭欲自盡詢之給錢以保其命州守賑饑公捐多金獎以額曰 謙不倦撫子姪俱成名年七十八無疾而終 馳贈儒林郎

劉瑛祖 字光漢州北關太學生童試屢列前茅不售遂棄儒貨殖性方直不可干以私里有急必助谷無悖郡守葉表其廬曰慶餘積厚後守宦稱爲一鄉善士迨建書院以才畧敏達董其事教子成名兩列成均其一德濬膺廣文年八十尚矍鑠取諸借券焚之語其子曰此非積德爲若輩杜訟端耳臨終衣冠端坐而逝書云攸好德考終命其殆是歟

學國 張永揚 號綠溪州西鑾三鄉人也少孤篤孝行母

陳氏生公一人督教甚嚴公奉命無違年十九母沒哀痛踰常自是立志成業喜雇工修路至老不

倦丁卯歲饑州守韓施粥爲之重助且建亭於檀山頭置業施茶爲久遠計人皆義之

李隆林 字瓊苑孝事父母友愛諸弟爲伯父維持家政爲列祖添設祭田律身勤儉以有餘賑貸貧乏鄉里法之子巍有名重士林後嗣人文尚振

劉紹統 慷慨正直雅好施濟尤篤友愛興家業厚與二弟且撫弟紹纓紹緒入庠食餼壽七十餘後裔益繁盛焉

李 淳 字心素弟濬字心哲幼失怙其母王氏孀撫成立家巨富視之泊如惟與弟鍵戶讀書時人謂其兄文絕弟字絕奉孀親必親必敬偶有出入

兄弟掛而退後俱登大耋皆眼有五代而終

太學生李義聲 字元勳性篤孝友持已敦厚父早逝

事母汪氏必躬自奉養至老不憊母九旬歿哀毀

骨立見者感泣待三弟孀婦撫卹周至生平好善

樂施視族人如一家歲歉出粟賑濟戚隣受惠者

衆更爲倡修 聖廟纂修郡誌營建書院凡一切

公舉捐貲無吝色生四子次馥官於閩馨醴醴庠生

劉承高 字漢宗英姿卓犖具幹濟才任四川夔州

府叅軍署瀘州司馬旋視州事兼護川南道握三

符金川靖亂辦理軍需動合機宜旁邑鄰郡咸資

賴之上憲方欲保薦以父憂回籍服闋辭徵不起

與族黨型仁講讓建家塾延師課誦三子胥入郡

庠次德樹入優選孫八人列宮墻者六一切公舉

見義必爲倡修 文廟首捐重金至今咸稱頌之

劉崇洪城北拔貢生強記博學赴 京廷試才學敏

捷時人比以劉穆之官廣西桂林丞旋陞桂林同

知慈祥愷悌民歌父母致仕歸好道術捨宅建五

雲觀年八十八幾几誦道德經端坐而逝

劉方圭 字次侯幼聰穎好學不厭入庠後課生徒

以敦行立品相勸勉一時知名士咸樂從遊後爲

永明訓導亦以是教諸生故闔邑有經師人師之

目年老致仕送者塞途歷以尙稱述不置著有讀



史管見惜無存

王伊士字爾相州之西門人植品端方豁達有大畧  
時桂隸衡府每歲科兩試多士畏十八灘之險累  
足不前者十居三四公倡閩州紳耆援澧州分棚  
例呈墾郡守張秩齋先生以為可一切詳 題  
早夜經營歷二載艱辛備嘗幸

天恩俯允乃度地審方鳩工庀材公獨身肩其任越一  
載工完好事者假以毀民房派經費控諸上羈禁  
省垣再歷寒暑當道察其誣釋歸更出已財數千  
金建學舍二處公則免跋涉之艱私則有貽謀後  
嗣之志迄今靡不頌張公之德而多伊士之功一  
郡之人傑也故書香繼美子若孫曾多列序焉

胡文鍾 嘉邑人例監候選州同平生慷慨樂善至老彌篤凡族黨鄰里受其裒予者不可勝紀嘉邑遷建 黌序出千金爲之倡復捐製祭器至今不  
缺至境內之橋梁道路募及者無不慨爲輸助一  
隅善人胡其最焉

李先成燦然煥然 嘉邑廩生同胞兄弟也事親俱以孝聞尤克盡友愛以姪輩衆多乃出己資同己子公分毫無子姪之別歲饑備饘粥以濟窮乏有鬻子女者代爲捐贖人咸德之

劉傳誦 字而維生平慷慨好施與情尤篤於宗族凡貧乏不能婚娶者悉爲資助與鄰里排紛釋難每暗捐已財事平而其人亦多不知覺一時遠近有善人之目

鄧和元 幼而穎異寡色笑少聘何氏有痼疾元和迎歸成禮相敬甚歡有古義士風及今子孫屢貢膠庠人皆以爲元和仁厚所植云

楊世治 字爾進孝行楊鳳翼子也其至性亦與父同行三凡父母養葬事一身任之毫無累及二兄待二兄亦友愛過人自奉則甘淡泊遇貧乏親鄰則極力資助其排紛釋忿不惜錙銖不市善名更爲人所難及年八十二無疾而終古處之風及今人多引爲勸誡

李人傑人秀人特 本州城南人同胞兄弟也篤於  
至性孝慈友愛同時無比次第列名譽序士林莫  
不以德行目之現年俱登大臺此固一門友愛之  
徵實

盛明德化之翔也

李琳 字玉昆本州庠生德性溫良居家有孝友  
之目處鄰盡媿睦之道敦實行戒浮華青衿終志  
人多惜之現年九十餘歲鶴髮童顏誠士林人瑞  
也

李春璉 嘉邑人幼孤事母至孝周恤親鄰毫無德  
色捐百金倡修邑之永濟橋利濟賴焉

賀紹循 字萬善州庠廩生深情厚貌終身無忤物  
色精岐黃所活甚多人不知感賀亦不計年七十  
二卒人多爲之惜

蕭忠堯 本州北鄉人至性孝友一門敦厚五世同  
居百有餘年古處之聲孚於遠近年七十餘歲

吳國春 字光玉石門山人性淳樸好善每以喫虧  
二字自勉勉人年六十矢志修路萬丈躬荷畚鍤  
平崎嶇凡十餘年工始竣而筋力亦就衰矣乃曾  
垂布袋拾字紙日夕向春江焚之年八十二終其  
子吳鯨以徒杠輿梁題中式人以爲修路之報春  
有弟國棟家貧乏嗣亦修路十餘年八十五終

鄧元亮 下樂人少孤生平好義捐田以興家塾素善醫活者甚衆未嘗受謝人咸善焉

劉敬祖 號其中家貧居長幼廢學謀生其父傳世分祖田數畝讓伯耕獲代納租仁孝性生不假強為後父母繼沒家業日興撫兩弟成名同居合爨沒齒無間言且哀多益寡諸昆弟均調劑而惠及鄰里亦不少遇科場有資斧不給者必餽之省垣欲購舍館為閩州赴闈公所價不下二千金奈增貲者奪之惜此事未成年六十一終

曹祖禮 號小伯性好善辦太湊山萬景窩等處礦廠過市見乞丐病卧不起必親醫愈則心慟所活甚衆有館中火夫患痢不避穢臭借妻蕭氏更相薰洗調醫物故棺衾歛埋子姪無室者娶之廠友故有女未歸代嫁無吝色初廠規貲本出自頭人後易而代頭公奏故至今萬景窩猶設牌位以志不忘云

劉傳註 號 忠厚正直幼失怙恃篤於友愛每多遜讓友有欠帑欲賣妻者代還以全夫婦生子一名繼祖事親孝親沒幾不欲生生平好善樂施無吝色有一女被竊痛哭欲自盡詢之給錢以保其命州守賑饑公捐多金獎以額曰 樂不倦撫子姪俱成名年七十八無疾而終 馳贈儒林郎

劉瑛祖 字光漢州北關太學生童試屢列前茅不售遂棄儒貨殖性方直不可干以私里有急必助咨無悖郡守葉表其廬曰慶餘積厚後守宦稱爲一鄉善士迨建書院以才畧敏達董其事教子成名兩列成均其一德濟膺廣文年八十尙矍鑠取諸借券焚之語其子曰此非積德爲若輩杜訟端耳臨終衣冠端坐而逝書云攸好德考終命其殆是歟

國學

張永揚

號綠溪州西鑾三鄉人也少孤篤孝行母

陳氏生公一人督教甚嚴公奉命無違年十九母沒哀痛踰常自是立志成業喜雇工修路至老不倦丁卯歲饑州守韓施粥爲之重助且建亭於檀山頭置業施茶爲久遠計人皆義之

李隆林

字瓊苑孝事父母友愛諸弟爲伯父維持

家政爲列祖添設祭田律身勤儉以有餘賑貸貧乏鄉里法之子巍有名重士林後嗣人文尚振

劉紹統

慷慨正直雅好施濟尤篤友愛興家業厚

與二弟且撫弟紹纓紹緒入庠食餼壽七十餘後裔益繁盛焉

李淳

字心素弟濬字心哲幼失怙其母王氏孀

撫成立家巨富視之泊如惟與弟鍵戶讀書時人謂其兄文絕弟字絕奉孀親必親必敬偶有出入

兄弟揖而退後俱登大耋皆眼有五代而終

太學生李義聲 字元勳性篤孝友持已敦厚父早逝

事母汪氏必躬自奉養至老不懈母九旬歿哀毀

骨立見者感泣待三弟孀婦撫卹周至生平好善

樂施視族人如一家歲歉出粟賑濟戚隣受惠者

象更為倡修 聖廟纂修郡誌營建書院凡一切

公舉捐貲無吝色生四子次遠官於閩馨齋薛庠生

劉承高 字漢宗英姿卓犖具幹濟才任四川夔州

府參軍署瀘州司馬旋視州事兼護川南道握三

符金川靖亂辦理軍需動合機宜旁邑鄰郡咸資

賴之上憲方欲保薦以父憂回籍服闋辭徵不起

與族黨型仁講讓建家塾延師課誦三子胥入郡

庠次德樹入優選孫八人列宮墻者六一切公舉

見義必為倡修 文廟首捐重金至今咸稱頌之

劉崇洪城北拔貢生強記博學赴 京廷試才學敏

捷時人比以劉穆之官廣西桂林丞旋陞桂林同

知慈祥愷悌民歌父母致仕歸好道術捨宅建五

雲觀年八十八薨几誦道德經端坐而逝

劉方圭 字次侯幼聰穎好學不厭八庠後課生徒

以敦行立品相勸勉一時知名士咸樂從遊後為

永明訓導亦以是教諸生故闔邑有經師人師之

目年老致仕送者塞途歷以尚稱述不置著有讀

史管見惜無存

王伊士字爾相州之西門人植品端方豁達有大畧  
時桂隸衡府每歲科兩試多士畏十八灘之險累  
足不前者十居三四公倡閩州紳耆援澧州分棚  
例呈墾郡守張秩齋先生以爲可一切詳題  
早夜經營歷二載艱辛備嘗幸

天恩俯允乃度地審方鳩工庀材公獨身肩其任越一  
載工完好事者假以毀民房派經費控諸上羈禁  
省垣再歷寒暑當道察其誣釋歸更出已財數千  
金建學舍二處公則免跋涉之艱私則有貽謀後  
嗣之志迄今靡不頌張公之德而多伊士之功一

郡之人傑也故書香繼美子若孫曾多列庠序焉

孝友

元

李孝子

逸其名以孝友著至正間詔旌其門

明

艾朝偉

嘉靖間徭僮爲寇朝偉父母年並七十賊

猝至朝偉先負其父往匿山中再還負其母母已

被執朝偉曰貨貨俱在幸釋老母賊刃其母偉連

呼吾死者三遂遇害

曾朝簡

領隆慶丁卯鄉薦事親孝謹出入必告萬

歷甲戌就禮部試聞父計自傷不及視含殮歸而

撫棺大慟哀毀過甚卒於苦塊事聞詔旌孝子復



特賜進士以慰泉下

朱景斐 號建菴下藍田人指揮朱鎮孫家貧篤行  
事親盡孝終身不懈其父母相繼歿皆廬墓三年  
哀毀骨立時州守朱默具詳巡按李旌其門

杜能嘉 少失母事繼母盡孝父老鰥居不離側者  
二十年父寢疾衣不解帶者兩閱月巡按溫臯謨  
疏請旌其門

歐陽宣和 父葬地名仰天湖離城八十里廬墓三  
年母久患篤疾衣不解帶遂究心醫術孝養終身

夏承瑞 字兆聖號鳳樓崇正庚午舉人選寧波府  
推官以親老不就性篤孝聚百順以娛其親子繼

琳亦有聲譽序

曾宗卷 號備齋家至貧事親竭力以奉甘旨母病  
親滌溺器嘗糞甜苦知不可療伏地痛哭母歿父  
復病足晨夕扶掖十餘年不少懈父死居喪盡禮  
既葬一嚮一飯必往奠而後嘗以孝行旌

文汝葵 祖沒家貧不能治喪以身質於鄰人得四  
金以營葬傭作三載償之縣令旌其閭

鄺世仍 字雲子弱冠以淹博教授生徒講濂洛之  
學事寡母極孝嘗避兵華陰山獨負母先行攀蹬  
涉谿雖極困敝顧趨健自詡懼母之憐而生却也  
母歿臨喪躡踊一慟幾絕

王桂枝 父母死廬於墓側以木貌其像朝夕事之  
如生有司表其門

蔣宗徽 字美中母病劇剗股肉烹糜以進竟得瘳  
里中火母櫬猶未舉宗徽號天抱柩誓與俱焚火  
亦旋滅歲常捐粟以濟貧乏施棺槨以厝無告鄉  
人德之

徐天爵 少勤苦夜讀母憂之遂默記父疾篤泣血  
懇禱乞以身代父尋愈由貢生歷府教授所至必  
加意培植人才致仕歸諸生繪圖以志去思年八  
十四卒

夏繼恭 崇正庚午父病劇思食肉繼恭乃割胸肉  
以食之父尋愈事聞給冠帶旌之

彭 偉 字艷雲宗賜之子庠生幼失恃事繼母曹  
盡孝曹卒再事繼母譚偉與婦何氏承顏順志以  
慰二人族里稱之督學水佳允廉其實請給冠帶  
旌獎

譚所知 號行素庠生養親服勞溫清無不致敬父  
八旬終居喪茹素三載母賀氏病瘋調養多方寢  
不解衣行不出戶後居母憂如居父喪學博莫公  
顧公張公迭以優行獎薦膺學臺賞給年八十八  
終子中縻亦庠生

鄧天珦 字玉成文元之子習舉子業治葩經讀蓼

莪章掩卷流涕崇正戊寅寇變公負厥考而逃爲賊所執竟以身殉

吳汝厚 字衡野幼失怙事母以孝中外無間言母病因精岐黃術矢志活人不索酬謝郡守廉其實三舉賓飲子中祥亦綽有父風孫鼎庠生曾孫爲相中庚子亞魁

吳中珩 字如玉增生母孀而盲珩左右就養一飲一食必手致之一泔一唾必親拭之溫清問視晨昏必謹廿餘年耳目手足皆爲母用母亦忘其爲盲也每辰出必酉歸一日以事羈城外以未告母夜縫而入母卒水漿不入口三日哀毀骨立幾不自存三年不飲酒不茹葷雖叢坐喧闐未嘗露齒郡守朱公廉其實上之督學以爲孝行之冠云

陳鑑 力田奉母以孝稱大慈鄉人楊禮遜遺金十八兩於瓦器中鑑得之候遜至還之封識如故人皆服其高誼

何文熹 至性敦厚篤於孝友再見武功

唐達 南隅人至性孝友

雷朝宗 東隅人至性孝友人無間言

彭堯化 孝義兼盡

國朝

陳宏毅 事母以孝聞母病思石榴冬月不能得宏

毅輒涕泣不勝求之深林有蛛絲絡之如人所珍  
藏者歸以奉母母食之病已邑令鄭表其閭

鄧智聰 父客寧遠病卒智聰扶柩歸葬廬於墓側  
夜有虎哮其旁智聰不爲動久之虎爲之馴如是  
者三年鄉里皆以爲孝行所致

李 堅 字心卓廩生克孝繼母友愛諸弟學博以  
優行上聞其子廩生長均亦舉優行

鄧狗保 少孤力耕奉母康熙初母爲虎攫狗保適  
採樵歸奮鎗刺虎與虎俱死

夏日旻 字天如九庚之孫廩生性至孝母病刲胸  
肉寸許以食及卒哀毀骨立與弟分產以美者固  
讓之

蔣良鑑 字靈初四歲失母號泣不休稍長事其父  
及繼母雖極貧必曲致甘旨親老每落一齒遺一  
髮悉存之及親喪以所存齒髮俱納棺中服闋省  
像事之出必告反必面時食必薦儼如生時有司  
上其事以孝旌

陳積芳 庠生事親能孝養父沒哀毀廬墓有司表  
其廬

顏繼材 四歲喪父事母李以孝聞母病侍牀褥不  
解帶者三月顙天祈以身代母歿廬墓三年以孝  
行旌

黃星顯 庠生父客始興卒星顯徒跣扶柩歸廬墓  
側哀毀柴瘠遂以身殉

吳天正 字興甫性至孝溫清定省弗稍懈出入必  
告家無擔石儲以舌耕竭力養志父死以口吮其  
涕賸垢穢而后殮至今遠近稱之

何文庶 梁之子庠生甫七歲生母卒事嫡母甚謹  
母顏有拂卽偕婦劉氏長跪於前俟母稍解始退  
時值亂離惟負母逃匿他物一無所戀及卒哀毀  
盡禮遷居茹素者三年本學以優行申詳獲旌獎  
郡守田公贈聯云言行無慚端士孝友直配古人  
年八十餘終

李在公 字公達庠生髫年失恃事繼母雷極孝母  
病爲之吮糞凡溺器及衣襦等物皆親滌

楊爾淳 字君朴庠生其事父母溫衾扇枕習以爲  
常一日母病劇淳爲吮糞以驗母死寢苦枕函茹  
素三年後事繼母不異親生母病淳赴本境城隍  
虔禱乞以身代母病尋愈齒屆六旬僅生一子因  
葬母兒逢鯨殤有慰之者則曰吾母得安厝爲幸  
兒殤命也天不斬吾後當徐圖之服闋次年果生  
一子名逢春復繼書香得列黌序

何尊銳 字敬先制行高潔孝友可風

黃應洙 本州西鄉人黃成章之子家貧事親誠老

母病親侍湯藥四月不解衣帶及母故哀毀骨立  
遠近無不爲之嗟嘆乾隆十八年親鄰呈報孝行  
學憲葉給有無忝所生之額

吳成琯 本州北鄉人吳起文之子至性敦厚孝事  
二親終身不間凡服食起居必親爲調理有婦亦  
不稍爲之假事繼母亦如所生值親之喪盡哀盡  
禮親鄰咸有純孝之目

劉 夙 本州北鄉庠生若英之子家貧力學所志  
未篤於孝親當父母在日几子道所宜之事纖毫  
無缺及遭母喪哀毀幾不復生其父勸勉始稍節  
焉未幾父逝悲痛愈切不數日鬚髮盡白見聞者

無不感嘆守制六年不飲酒茹葷生辰忌日以及  
四時佳節依主哭奠終身不懈至友愛昆弟矜恤  
親鄰工醫術以濟人爲孝德所暨訖者甚多雍正  
九年闔庠舉以孝廉方正之典當事查驗旣確方  
欲爲之詳請錄用夙以衰老辭事乃不果

楊鳳翼 字祥瑞本城人至性敦厚執親之喪不飲  
酒不茹葷三年席地而臥年逾古稀聞鄰里有不  
相杵事輒流涕竟日孺慕終身方古孝子無多讓  
也

李時京 字楚泌父廷龍患足病醫藥弗效常抱父  
足而泣衣不解帶臥床側者三載忽夢神人示方

用之果愈人以爲孝感所致選舉鄉飲介賓

王傳溥 週歲失怙稍長性篤孝母李氏連年患病湯藥躬奉之不假妻孥手母死守墓三年事伯母魏氏亦無稍懈且撫魏氏少孤成立其生平好施尤無吝色卒年四十五

魏顯鈴子榮哲 牧牛瀕水兄岱聞往救不獲晤兄又往救均斃命友誼篤恭捐軀不顧時人義之

李有照 字大明隨父兄住宋家洞有鄰人開薑窖者其兄烈隨視之墮入窖中照見勢急奔往救屢抱不起與烈俱死時人稱爲義弟

庠生蕭義翹 事父母備極情致遠近咸以孝稱尤

喜布施賑貧困鄉里有善人之目

劉義芝義蘭 兄友弟恭數十年如一日芝先逝蘭盡哀半月餘蘭亦逝各享年七十有奇子姪承訓先志擇期同穴安葬亦體先人兄弟式好之至意云

劉必濟州北關人性篤孝友順治三年郝賊屠城擄父去已數日也濟適由外歸跡所往晝夜奔馳詣賊屯抱父極號哭逼以及弗懼因憐之釋以歸未幾父復病途次背負歷盡艱辛旬餘日始旋里後生九子年七十餘以六子方圭任訓導邀

封典人文代起咸以爲孝行所至云

李長玲字令玉事親色養夏則扇帳冬則溫被年踰  
六旬不改課其弟長璽讀書家事一身獨理後生  
齒漸繁道及折烟相與流涕時人稱爲孝友一門  
罷學正郭林里人學博羅彥作贊以表之

